



第97期

本刊作品如有涉及時評者，乃作者個人意見，與華府詩友社立場無關。

編輯順序：原則上，本刊之編輯順序為詩（近體詩之七律、五律、七絕、五絕、古體詩）詞、曲、簡體詩詞（現代詩詞）

贈富春山居圖兩岸殘卷合璧誌感 許翼雲（用新韻）

富春畫軸聲名重，火蝕圖傷失亂中。
後段乾隆登御冊，卷頭近世現孤蹤。
紅藍對峙難相屬，首尾雙聯久未縫。
殘水剩山今璧合，金甌玉玦早圓同。

個別差異 張暢繁

幽蘭清雅牡丹妍。鸚鵡仿言反舌喧。
丙喜山峰丁逐水，甲輕名利乙貪錢。
多元體系催豪傑，專制思潮抑俊賢。
格調不同人各異，百花齊放亮江邊。

注：反舌即反舌鳥（mockingbird）

遊大峽谷詩·丁酉夏日 汪榮祖

百里聯綿西復東。奇峰怪石欲摩空。
湮塵斑駁飛禽絕，峽谷深沉落日紅。
萬賴無聲籠宇宙，寸心有意入鴻濛。
人間勝地供遊息，曠古因緣感化工。

敬賀周谷吳崇蘭伉儷鑽石婚之喜 夏曙芳

背井離鄉烽火裡，川郎蘇女在台逢。
埋頭克難挑燈苦，勤儉持家教課慵。
近史精研明詭秘，書文疾著尚謙恭。
幽蘭甲子香空谷，慈孝家和苦樂共。

喬治亞探親行 夏曙芳

炎夏驅車薩瓦娜，古稀親友興沖沖。
朝辭馬利蘭中部，夕至喬治亞北衝。
苑玉夫妻勤款待，雲蓮伉儷樂相逢。
天南地北聊難盡，蟹菜瓜茶情逸濃。

注：7月24日雲潮、瑞蓮夫婦從紐約上州開車來訪。26日我們四人從華府南下至 Savannah 探望捷苑、玉麗兄嫂數日，相聚甚歡。

立秋日逢美股市崩潰 季肇瑾

一葉知秋寒意透。危機信貸撼全球。
杜瓊瀉股高千點，失業裁員致萬憂。
國會梟雄無善策，白宮歐首缺韜謀。
庫窮民怨高聲喚，改革艱難挽美洲。

柏堡夜眺·甲寅初夏 汪榮祖

落日西郊天半青。霞光照眼鎖林垌。
回頭更向東山望，新月穿雲破夕冥。

庚申秋晨偶得 汪榮祖

秋霜一夜釀秋晴。好鳥枝頭趁曉鳴。
更喜江楓助佳興，丹紅似火照波明。

香港沙灣徑 25 號 三首 許之遠

作家龍應台與余皆同時出任當年馬英九市長任中職；又先後入住香港大學教職員宿舍；她以此題寫隨筆，余以詩紀。

遠近青山起伏賒。水雲一線合天涯。
小舟巨艦凌波渡，漸入回眸嶺上花。

鷗聲鷹影伴船飛。旭日驕陽晚落暉。
往古來今皆過客，貂裘不上釣魚磯。

傍岸幢幢萬戶燈。眾生匍匐望高層。
雲台鑄像誰還認，不及江波一葦僧。

春至 王顏鑄

倚坡新李花初白，未葉夭桃點點紅。
悲喜天涯驚客夢，何堪啼鳥故鄉同。

暮春果樹產果有感 王顏鑄

十年辛苦知何似，留取香甜憶半農。
春晚紫藤花仍舊，銷魂新月夕陽鐘

好女兒·南海風波 陳新雄

清淚一行行。兄弟闕于牆。攜手同擒盜竊，宵小敢猖狂。自個不思量，只留得、目下悽惶。倘能團結，讓人見了，戰又何妨。

促拍醜奴兒·南中國海用山谷得意 許多時韻 陳新雄

按《全宋詞》黃庭堅詞此處收錄山谷《醜奴兒 濟楚好得些》一闕，句法不合，且多失韻，因據萬樹《詞律》補山谷《促拍醜奴兒》，並用其韻。

南海路何時。鄭和出、不蔓旁枝。千年無事今年急，東來呂宋，西鄰南越，鶴被雞欺。千里共透迤。太平島、形影相隨。鬪牆兄弟當攜手，一同抗敵，南征艦隊，羽書何遲。

虞美人·海灘晨步 張暢繁

一輪紅日催殘月。起落潮無歇。人來人往海灘中。解悶消愁尋樂眾心同。人生事事難如願。盡已應無怨。烏雲過後一番新。醒腦晨風撲面倍精神。

永遇樂·百年國慶 李青瑾

蕭瑟坡風，逸幽松蔭，仙籟清越。
鐵甲金戈，槍林彈雨，苦難何曾歇。
黃花翠草，丹心碧血，正氣長昭日月。
蟄龍覺、凌霄傾帝，辛亥武昌竿揭。

百年國慶，萬馬蹄鼓，多少九州英傑。
力挽狂瀾，續興青史，中外頻傳捷。
哲人雖去，典謨尚在，見玉帛齊團結。
泱精髓、三民主義，永銘激發。

喜上互聯網 范治勝

步義沛兄“相見互聯網”韵，草成此篇，兼示德銑兄 運桓兄

科技開新猷，喜上互聯網。
萬象匯銀屏，一鼠任徜徉。
舊雨多健在，新知日增長。
郵件頻相傳，詩文共欣賞。
睽別五十載，遙隔太平洋。
何愁見面難，視頻細端詳。
依稀辨容顏，復憶中學堂。
賢師育英才，豪情噴萬丈。
孰料風波惡，運蹇多魔障。
韶華東逝水，吁嗟空悵惘。
所幸劫難盡，國運厄復昌。
白髮再聚首，青春放光芒。
事業各有成，兒孫列門牆。
笑談古今事，淡泊名利場。
老來無多求，平安保健康。
桑榆重晚晴，揮手送夕陽。

孰料風波惡：指一九五七年反右派鬥爭對知識份子的整肅以及嗣後的“無產階級大革文化命”。
國運厄復昌：指一九七六年粉碎“四人幫”及後來的改革開放。

敬輓 范道瞻先生 劉平和

西蜀文風原已盛，家學秉淵源，椽筆寫詩詞，尤稱典麗；
外交才器本難尋，朱顏多歷練，老成為顧問，彌足珍崇。

敬悼范道瞻大師 許翼雲

夔生先生千古

國事家事天下事 縱橫筆下 國失外交耆宿
親情友情故鄉情 委婉行間 我懷詩社大師

詩友社同仁敬輓

本刊若有勘誤，將更正於詩友社網站之電子版

華府詩友社網站：
www.classicalchinese poetry.com